



PRIMA SESSIONE URDINARIA DI U 2023
REUNIONE DI I 30 È 31 DI MARZU DI U 2023
1ÈRE SESSION ORDINAIRE DE 2023
REUNION DES 30 ET 31 MARS 2023

N° 2023/O1/029

**Question orale déposée par Marie-Claude BRANCA
Au nom du groupe « Core in Fronte »**

OBJET : SITUAZIONI E TENSIONI IN CORSICA : À QUANDU UNA PULITICA NOVA DI L'ESECUTIVU DI CORSICA PA UN VERU CAMBIAMENTU CAPITU DA TUTTI ?

Dapoi un certu tempu, al di là di l'aspetti mediaticchi, un clima malsanu si stalla in Corsica.

Stu clima metti in rilievu a pessima situazioni oghjinca in a quali monda paisani, ghjovani è menu ghjovani, provani di truvà a so piazza in cori d'un sistema chì :

- Avvilinighja a vita cutidiana incù logichi di spussessu fundiaru è di spiculazioni immubiliaria;
- Crea pricarità è isulamentu par via d'una situazioni economica pessima;
- Porta l'aghjenti à l'esiliu è à l'abandonnu;
- Imponi à quiddi chì travaddani a tarra à lacà la o à vendala pà pocu è nudda;
- Spacchj'à settori strategichi economici à a finanza e à a privatisazioni;

- Sradichighja lingua, cultura è populu par via d'una culunisasi di pupulamentu distruttrici.

Stu clima rimetti in causa l'andatura d'un dialogu chì voli andà versu un'autonomia chi ùn si pò difiniscia pà avali

Stu clima rimetti in causa i fundamenti è i scelti strategichi ch'aveti fattu, ancu incù altri movimenti nazionalisti, dapoi u 2015 è chì sò stati accumpagnati da iniziative specifichi d'una parti di a resistenza è chì oghji ùn valini più.

Hè sempri faciuli di parlà di dimucrazia quandu i fatti traducini un autoritarisimu di ogni ghjornu impostu da u culunialisimu francesu è chì port'à a suttumissioni u populu corsu. Hè sempri faciuli di pienghja pà scritturi annant'à i muri d'una casa cumuna quandu si sà chì sti lochi pulitichi sò sottomissi à i leghji di u Statu francesu, à i sò intaressi murali è materiali è chì ùn vani micca in u sensu di u bè cumunu.

Hè sempri faciuli di cundannà comu l'ani fattu, da anni è anni, sti furmazioni tradiziunali francesi di manca è di dritta cunfruntati à l'attività d'una resistenza populari. Anii purtatu ancu a so voci par a riprissioni ghjudiziaria è puliziaria.

L'assenza d'una pulitica ardita, custruita in u sensu di l'intaressi cullitivi di u nosciu populu, pruvuchighja un clima di crisa. A situazione hè accentuata da l'assassiniu di u patriottu Yvan Colonna.

Simu quant'è voi patriotti è com' indipendentisti cuscenti chì ùn hè in u ghjornu chì si pò cambià tantu è tuttu. Ma chì in una strategia, chjara di tapa è di suveranità, si pò rivoluzionà dipendenza è suttumissioni è metta u nosciu populu com'è attori principali di a so terra in u Mediterraneu.

Al di là di a logica di « bona governanza », chì i reguli di u sistema v'imponani, quandu mittareti una forti è curaghjosa pulitica à pro di l'intaressi cullitivi di u nosciu Populu intesa è capita da monda, riflitutta è spartuta da tutti quiddi chi volini falla finita incù sta situazione storica di tralasciera generalizzata?

Vi ringraziu.